



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:02-49-1-351-11/19

Datum: 29.03.2019.godine

Na osnovu člana 70. stav 1. i stav 4. a u vezi sa članom 69. stav 2. tačka e) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 28.03.2019.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

### **ODLUKU**

poništenju postupka javne nabavke

#### **I**

Poništava se postupak javne nabavke roba "Nabavka serverske i bazne opreme" koji je objavljen na Portalu javnih nabavki dana 20.02.2019.godine u otvorenom postupku javne nabavke pod brojem: 375-1-1-32-3-32/19, obavještenje o nabavci objavljeno u SL.glasniku BiH broj:14/19 dana 22.02.2019.godine pod brojem: SI-3570-19.

#### **II**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

#### **III**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6.Zakona o javnim nabavkama.

### **O b r a z l o ž e n j e**

Postupak javne nabavke roba, "Nabavka serverske i bazne opreme" pokrenut je Odlukom o pokretanju postupka broj:02-49-1-351-2/19 od 15.02.2019.godine. Odabran je otvoreni postupak javne nabavke, koji je objavljen na Portalu javnih nabavki dana 20.02.2019.godine pod brojem: 375-1-1-32-3-32/19, procijenjena vrijednost javne nabavke bez PDV-a je 16.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su tri ponude i to: ponuda INTER- COM doo Zenica, ponuda PROCOMP doo Zenica i ponuda R&S doo Sarajevo.

Komisija za javne nabavke imenovana rješenjem Općinskog Načelnika broj: 02-49-1-351-4/19 od 12.03.2019.godine izvršila je dana 22.03.2019.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je formalno ispravna 1 (jedna) ponuda i to ponuda R&S doo Sarajevo a ponude INTER- COM doo Zenica i PROCOMP doo Zenica su formalno neispravna kako slijedi:

- ponuda INTER- COM doo Zenica sadrži kopiju Potvrde banke kod koje ponuđač ima otvoren račun da račun nije blokiran u periodu od 01.02.2016.godine do 11.03.2019.godine (Potvrda Raiffeisen Bank broj:00753/19 od 12.03.2019.godine) a Tačkom 13.2.1 tenderske dokumentacije propisano je da u svrhu dokazivanja uslova iz člana 47. Zakona o javnim nabavkama ponuđač je dužan uz ponudu dostaviti: - običnu kopiju Potvrde banke (ne stariju od 15 dana) kod koje ponuđač ima otvoren GLAVNI RAČUN za poslovanje (na potvrdi naznačiti da se radi o glavnom računu za poslovanje), da

račun nije blokiran u posljednjih 6 (šest) mjeseci. Iz dostavljene potvrde uz tendersku dokumentaciju nije vidljivo da li se radi o Glavnom računu za poslovanje kako je traženo tenderskom dokumentacijom, te mu se ponuda smatra formalno neispravnom.

- ponuda PROCOMP doo Zenica sadrži na stranici 32. ponude kopiju dokumenta (ponuda broj:2013/2019 od 21.03.2019.godine) specifikacija od osam stavki a na strani 33.ponude je kopija dokumenta (specifikacija ponuđene robe) od dvanaest stavki i na na stranici 41. listu najbitnijih partnera (na kojoj je nabrojano 17. partnera sa kojim je ova firma saradivala bez naznake broja, datuma i vrijednosti ugovora) a tačkom 13.3.2. tenderske dokumentacije propisano je da ponuđač treba uz ponudu da dostavi " Spisak izvršenih ugovora o isporučenoj robi koja je predmet ove nabavke u posljednje 3 godine, ili od datuma registracije, odnosno početka poslovanja, ako je dobavljač registrovan, odnosno počeo da radi prije manje od tri godine", što ponuđač nije dostavio, te mu se ponuda smatra formalno neispravnom.

Tačkom 5.1. tenderske dokumentacije predviđena je E-aukcija za ponude koje su formalno ispravne, kako je samo jedna ponuda formalno ispravna E-aukcija nije provedena.

Zapisnikom o pregledu i ocjeni ponuda broj:02-49-1-351-10/19 od 28.03.2019.godine Komisija je u skladu sa članom 69. stav 2. tačka e) Zakona o javnim nabavkama preporučila ugovornom organu da poništi postupak javne nabavke roba "Nabavka serverske i bazne opreme", jer je cijena prihvatljive ponuda znatno veća od osiguranih sredstava za predmetnu nabavku (cijena ponude R&S doo Sarajevo je 19.825,05KM bez PDV-a procijenjena vrijednost javne nabavke je 16.000,00KM bez PDV-a ).

Uzimajući u obzir sve navedeno odnosno imajući u vidu činjenicu da ni jedna ponuda nije prihvatljiva jer su cijene svih prihvatljivih ponuda znatno veće od osiguranih sredstava za predmetnu nabavku, to je primjenom člana 69. stav 1. tačka b) i stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14) odlučeno kao u dispozitivu ove Odluke.

**Pouka o pravnom lijeku:** Žalba na Odluku o poništenju postupka javne nabavke izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

#### DOSTAVLJENO:

1. Ponuđači x3
2. Služba za boračko-invalidsku zaštitu i opće poslove,
3. Web stranica Općine Tešanj, elektronski
3. Predmet.

*Handwritten signature*



OPĆINSKI NAČELNIK

Mr.sci. Suad Huskić